

《臺北人》像贊

翟志成

辛酉年九月九日，白先勇氏以《臺北人》惠寄，把玩再三，不能釋手。浮想聯翩，竟難入寐。推枕而起，徘徊中庭，白露沾衣，月涼如水。因用《臺北人》故事，反覆吟哦，成《採桑子》九首，還寄白氏，庶幾投桃報李之意也。去歲仲冬，白氏更以《白先勇作品集》全篋惠贈，因抽取《臺北人》再讀，齒頰留香，情思天外。今春白氏應邀兩講崑曲於香港理工大學，余躬逢其盛焉，於是改訂舊稿，另賦新詞，前後共得《採桑子》一十有五，遂再寄白氏，以圓卅年文字姻緣。

序曲

舊時王謝南飛燕。滿目淒然，涕淚漣漣。日夜銜泥恨海邊。
鐫肝刻盡浮生態。彩筆如椽，紅白相傳。愧未程門立雪前。

永遠的尹雪艷

輕顰淺笑嬌無那。玉立婷婷，冰雪瑩瑩。柳絮無蹤拂綠萍。
香巢引頸金龜客。一罹其刑，九喪其靈。奴本巡天白虎星。

歲除

金刀玉馬羽林郎，伏虎陽崗，浴血臺莊。夜戰巫峰割靴幫。
歸田驥伏鍋台後，買妻一樁，席捲逃亡，濁酒三巡老伙房。

一把青

嫩紅怎敵東風惡。纔結良緣，便泣別筵。霹靂魂飛訃報傳。
形骸浪放心當死。童子雞鮮，麻雀床前。與君偷歡二月天。

金大班的最後一夜

當年艷奪群芳首。身住泥漿，心認蓮香。無端惡棒拆鴛鴦。

飄蓬老嫁商人婦。對鏡思量，月滿屋樑。未抱琵琶已斷腸。

那片血一般紅的牡鵝花

出門忽遇拉伕漢。十八離家，戰地黃沙。慈母倚門泣落霞。
無端更遇前生孽。罵也由她，打也由她。魂血燒紅牡鵝花。

思舊賦

流光逝水催人老。冠蓋當年，天寶從前。野草階除大宅園。
夫人物化空遺恨。小姐冤纏，少主番顛。古佛蒲團一老元。

梁父吟

漢陽十月狂颿起。修我戈矛，歃血同仇。醉舞吳鉤黃鶴樓。
橫眉總惹蛾眉妒。蔽日雲浮，蘭蕙為茅。忍聽廉公能飯不。

孤戀花

蒲姿嚙盡千般怨。生母嚙喉，獸父強媾。迎送生涯幾日休。
淒涼再遇摧花客。含垢忍訕，積恨埋羞。熨斗如雷大報仇。

花橋榮記

三生石上相思債。人隔海天，情比金堅。玉潔冰清十五年。
傾家典盡人難贖。慾壑狂顛，焚膏自煎。一縷魂歸桂橋邊。

秋思

冷香浮動將軍府。醉態微醺，曼舞輕歌。光復山河雪滿坡。
韶光冉冉佳人老。摩登外婆，感慨應多。古井微揚有恨波。

滿天裏亮晶晶的星星

世人爭說子都美。三載傾城，一夕失聲。赤縣銀河墜大星。
魚龍漫衍昏燈裏。樂也曾經，苦也曾經。千古艱難出櫃聲。

遊園驚夢

紅伶夕變將軍婦。再唱遊園，蜜意綿綿。初與參謀試馬鞭。
華筵暗惹鍾山夢。對影無言，有恨難傳。小妹陳倉渡愛船。

冬夜

書生怒氣衝牛斗。縱火趙樓，國賊群毆。五四英名貫九洲。
臺北寒冬兼夜雨。糧稻為謀，忍耻包羞。懷古傷今衰老頭。

國葬

曾將百萬貔貅旅。北伐南征，塞上長城。獵獵紅旗復故京。
嶺南一戰風流散。幽憤難平，壯志未成。寶劍靈堂迄自鳴。